



IROMAG

Odlazni studenti



by IROUNMO

U OVOM BROJU

**POSJETA VRTIĆA ZVJEZDICA
AGROMEDITERANSKOM
FAKULTETU**

VRATIMO SE NERETVI

**POSJETA LOS ROSALES
CENTRU**

**DODIJELJENE DEKANOVE
NAGRADE NA PRAVNOM
FAKULTETU**

**RAZGOVOR O KNJIZI
NASILJE NAD ŽENAMA:
DISKURSI, PERSPEKTIVE,
LEKCIJE IZ BH. POVIJESTI**

DAN OTVORENIH VRATA

Djeca i osoblje JU Dječijeg vrtića Zvezdica iz Zalika posjetili su Agromediteranski fakultet Univerziteta "Džemal Bijedić" u Mostaru.

Djeca su aktivno istraživala pojam kompostiranja i prepoznavala različite vrste biootpada. Biootpad su odlagali u komposter fakulteta ispred zgrade.

Ovakve posjete pomažu djeci da od najranije dobi razvijaju svijest o zaštiti okoliša, te jačaju saradnju između obrazovnih ustanova i lokalne zajednice s ciljem stvaranja održivije budućnosti.

POSJETA “LOS ROSALES” CENTRU

By IROUNMO

Dana 10. aprila, studenti Odsjeka za predškolski odgoj Fakulteta obrazovanja, zajedno sa predmetnim profesorom, doc. dr. Arminom Osmanovićem, i asistentom MA Admirom Topalovićem, posjetili su Centar za djecu i mlade s posebnim potrebama 'Los Rosales'. Posjetu su organizirali u saradnji s direktoricom centra, Mirnom Mezit.

Studenti su stekli nova znanja i primijenili teorijske koncepte koje su prethodno učili na tim predmetima. Tokom posjete, posmatrali su i učestvovali u obrazovnim aktivnostima, provodili individualizirane sesije, uočavali različite razvojne izazove i vodili nekoliko razgovora s profesionalnim osobljem Centra. Ove interakcije obogatile su njihovo akademsko iskustvo i ojačale njihovu pripremu za buduće karijere.

Ova posjeta pružila je studentima priliku za učenje. Produbili su svoje razumijevanje inkluzivnog obrazovanja i logopedske terapije kroz direktnu angažovanost s djecom i saradnju s stručnim timom Centra. Studenti će koristiti stečena znanja i praktične vještine kako bi podržali svoj daljnji studijski rad i budući profesionalni angažman.



DODIJELJENE DEKANOVE NAGRADE NA PRAVNOM FAKULTETU

By IROUNMO

Na Pravnom fakultetu dekanesa prof. dr. Amra Jašarbegović, zajedno sa prodekanesom prof. dr. Sunčicom Hajdarović, uručila je Dekanove nagrade studentima koji su ostvarili najbolji uspjeh u akademskoj 2023/2024. godini. Dekanesa Jašarbegović je tom prilikom dodijelila i Povelju zahvalnosti studentu Anesu Beganoviću za doprinos promociji, aktivnostima i angažmanu na Pravnom fakultetu.

Dobitnici Dekanove nagrade su:

- Vildana Kubat – za ostvareni najbolji prosjek u četvrtoj godini prvog ciklusa studija, sa prosječnom ocjenom 9,69
- Rijad Šuta – za ostvareni najbolji prosjek u četvrtoj godini prvog ciklusa studija, sa prosječnom ocjenom 9,54
- Raida Leto – za ostvareni najbolji prosjek u prvoj godini prvog ciklusa studija, sa prosječnom ocjenom 9,50
- Adnan Turajlić – za ostvareni najbolji prosjek u prvoj godini prvog ciklusa studija, sa prosječnom ocjenom 9,20
- Azemina Gosto – za ostvareni najbolji prosjek u trećoj godini prvog ciklusa studija, sa prosječnom ocjenom 9,17
- Anel Kukić – za ostvareni najbolji prosjek u prvoj godini drugog ciklusa studija, sa prosječnom ocjenom 9,67
- Rijad Memić – za ostvareni najbolji prosjek u prvoj godini drugog ciklusa studija, sa prosječnom ocjenom 9,67
- Majla Martinović – za ostvareni najbolji prosjek u prvoj godini drugog ciklusa studija, sa prosječnom ocjenom 9,67
- Lamija Karadža – za ostvareni najbolji prosjek u prvoj godini drugog ciklusa studija, sa prosječnom ocjenom 9,50
- Amina Sabljic – za ostvareni najbolji prosjek u prvoj godini drugog ciklusa studija, sa prosječnom ocjenom 9,50

Dodjelom ovih priznanja studentima, Pravni fakultet je još jednom istakao važnost kontinuiranog rada, zalaganja i akademske izvrsnosti. Ovakve aktivnosti dodatno jačaju akademsku zajednicu i afirmišu uspjehe studenata.



KAMPANJA “VRATIMO SE NERETVI”

By IROUNMO

Kampanju pod nazivom Vratimo se Neretvi su pokrenuli studenti sa ciljem da podsjetite na vrijednost koju Neretva ima za Mostar – ne samo kao rijeka, nego kao prostor druženja, života i zajedništva.

Kroz kratki video snimljen na neretvanskoj plaži „Ploča“ upućena je poruka o važnosti povratka rijeci, ne zbog prošlosti, već zbog budućnosti koja se može graditi uz njene obale. Video ističe potencijal prirodnih prostora za zajedničko okupljanje i razvoj lokalne zajednice. Naglašava se i značaj očuvanja riječnih područja kao mjesta susreta, rekreacije i održivog korištenja prirodnih resursa.

Projekat su realizovali studenti druge godine Studija turizma - Esma, Senad i Lejla pod mentorstvom profesora Veldina Ovčine i asistentice Sare Kljajić, a sa studentima smo obavili intervju, koji ćemo detaljno predstaviti u nastavku:

1. Šta vas je inspirisalo da učestvujete u kampanji "Vratimo se Neretvi"?

Kao osobe koje cijene prirodu željele smo doprinijeti očuvanju Neretve i podići svijest o njenoj važnosti za Mostar i lokalnu zajednicu, posebno naglašavajući nostalgiju jer je sve to zaboravljeno.

2. Kako vidite ulogu Neretve u budućem razvoju Mostara?


Ulogu Neretve vidimo kao prirodnu turističku atrakciju s puno potencijala koja može postati ključni faktor u održivom turizmu – od raftinga i pješačkih staza do eko-aktivnosti, što će privući više posjetitelja i potaknuti lokalnu ekonomiju.

3. Koji su izazovi s kojima ste se susreli tokom realizacije projekta?

Izazovi sa kojima smo se susreli prilikom realizacije projekta: gradilište te promjena lokacije zbog istog i vremenske neprilike. Ali uprkos izazovima, organizirale smo alternativne lokacije i prilagodile raspored radova, što je pokazalo fleksibilnost tima.

4. Šta mislite o potencijalu prirodnih prostora za razvoj zajednice, prema vašem iskustvu iz ovog projekta?

Kroz ovaj projekt vidjele smo kako okupljaju ljude, potiču turizam i poboljšavaju kvalitetu života, što ih čini vrijednim očuvanja za buduće generacije.



RAZGOVOR O KNJIZI NASILJE NAD ŽENAMA: DISKURSI, PERSPEKTIVE, LEKCIJE IZ BH. POVIJESTI

By IROUNMO

Dana 10. aprila 2025. godine, Fakultet humanističkih nauka organizovao je diskusiju o knjizi „Nasilje nad ženama: Diskursi, perspektive, lekcije iz historije Bosne i Hercegovine“. Organizatori su okupili stručnjake iz oblasti historije, sociologije i studija roda kako bi pokrenuli dijalog o jednom od najhitnijih društvenih problema današnjice.

Panelisti prof. dr. Fahd Kasumović, prof. dr. Almir Marić, prof. dr. Amila Kasumović i prof. dr. Ajla Demirović istraživali su kako patrijarhalna društva oblikuju, opravdavaju i perpetuiraju nasilje nad ženama. Moderator prof. dr. Amir Duranović usmjerio je diskusiju kroz ključne teme u knjizi: uloge žena u historijskom i savremenom kontekstu, njihovo pravo na javni prostor i način na koji se naučna zajednica i društvo suočavaju sa nasiljem zasnovanim na rodu.

Članovi publike su se aktivno uključivali u diskusiju, pokazujući koliko su ovakvi događaji bitni za povezivanje akademske zajednice, studenata i šire javnosti u borbi protiv nasilja prema ženama.



DAN OTVORENIH VRATA

By IROUNMO

Tokom aprila, Univerzitet „Džemal Bijedić“ u Mostaru bio je domaćin više od hiljadu učenika iz srednjih škola s područja Hercegovačko-neretvanskog kantona, ali i iz drugih dijelova Bosne i Hercegovine. Kroz niz pažljivo osmišljenih promotivnih aktivnosti – posjete škola, kviz znanja i Dan otvorenih vrata – učenicima je pružena prilika da se upoznaju sa studijskim programima, profesorima, studentima i savremenom infrastrukturom Univerziteta.

Za mnoge učenike ovo je bio prvi susret sa svijetom visokog obrazovanja. Obišli su fakultete, laboratorije, učionice, institute, biblioteke, razgovarali sa profesorima i studentima, te dobili korisne informacije o upisu, stipendijama i budućim karijernim mogućnostima.

Posebnu pažnju izazvao je kviz općeg znanja za maturante pod nazivom „Znanje se računa“, kroz koji su učenici, u timskom duhu, pokazali zavidan nivo znanja i osvojili vrijedne nagrade.

Završni događaj bio je Dan otvorenih vrata, kada su svi zainteresovani mogli posjetiti info-pultove fakulteta i univerzitetskih studija, dodatno se informisati i osjetiti atmosferu studentskog života.

Ove aktivnosti pokazale su posvećenost Univerziteta da bude partner mladima u donošenju važnih životnih odluka, te da aktivno učestvuje u izgradnji obrazovanja kao temelja društvenog razvoja.

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
AMILA VRTIĆ
HUSEIN MARIĆ

